

Headline	Perlu hadiri dua lagi kursus haji		
MediaTitle	Sinar Harian		
Date	07 May 2015	Color	Full Color
Section	Nasional	Circulation	40,000
Page No	38	Readership	120,000
Language	Malay	ArticleSize	198 cm <sup>2</sup>
Journalist	N/A	AdValue	RM 3,012
Frequency	Daily	PR Value	RM 9,036



## Perlu hadiri dua lagi kursus haji

**SUNGAI BESAR** – Bakal jemaah haji di sekitar Sungai Besar yang dipilih untuk menunaikan rukun Islam kelima itu pada tahun ini perlu menjalani dua lagi kursus haji selepas mereka menamatkan kursus haji selama 17 minggu.

Pembimbing kursus, Mohd Pauzi Hairi berkata, dua kursus itu ialah kursus intensif haji yang akan diadakan sebelum Ramadan dan kursus haji perdana yang akan diadakan pada Syawal nanti.

Menurutnya, seramai 350 peserta kursus haji sebelum ini berjaya menamatkan Kursus Asas Haji (KAH) selama 17 siri dengan kemuncaknya peserta menjalankan praktikal tawaf, sai dan melontar jamrah.

“KAH adalah kursus pengenalan kepada ibadah haji dan umrah.

“Kursus ini dijalankan selama dua jam setiap siri pada setiap pagi Ahad dan bermula pada 11 Januari hingga 3 Mei (17 siri) lalu,” katanya.

Mohd Pauzi berkata, kursus anjuran Lembaga Tabung Haji Cawangan Sungai Besar dengan kerjasama Pengurusan Masjid

Makmuriyah, Sungai Besar terbuka kepada semua umat Islam yang berminat untuk mempelajari ilmu bagaimana mengerjakan haji dan umrah.

“Selain itu, setiap peserta juga yang mengikuti kursus itu juga dapat mengetahui hal ehwal pengurusan haji negara ini terutama kepada bakal haji yang mendapat tawaran mengerjakan ibadah haji pada tahun ini.

“Di samping itu, melalui kursus ini juga, kita akan sampaikan maklumat terkini mengenai situasi semasa termasuk apa yang berlaku di sana agar para jemaah mendapat gambaran awal sebelum berlepas ke sana,” katanya.

Beliau berkata, kursus itu membawa objektif bagi memberi pendedahan dan panduan ibadah haji dan umrah kepada bakal haji serta perkara berkaitan dengan pengurusan haji dan penjagaan kesihatan.

Beliau juga berharap, segala ilmu yang dipelajari semasa mengikuti kursus itu dapat dipraktikkan semasa bakal haji berada di tanah suci dengan mengikut garis panduan yang telah ditetapkan.



Mohd Pauzi (depan) menerangkan sesuatu kepada peserta pada sesi praktikal KAH di Sekolah Kebangsaan (SK) Seri Makmur.